

ქ.თბილისი

12 იანვარი, 2016 წელი

ერთის მხრივ, სსიპ - განათლების ხარისხის განვითარების ეროვნული ცენტრი (შემდგომში - შემსყიდველი), წარმოდგენილი მისი დირექტორის მოადგილის თამარ მახარაშვილის სახით და მეორეს მხრივ, ს.ს. „დაზღვევის კომპანია ქართუ“, (შემდგომში - მიმწოდებელი), წარმოდგენილი მისი დირექტორის არჩილ მამაცაშვილის სახით, სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით, გამარტივებული ელექტრონული ტენდერის საშუალებით, ვდებთ სახელმწიფო შესყიდვის შესახებ წინამდებარე ხელშეკრულებას.

მუხლი 1. ტერმინთა განმარტებები

- 1.1. ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტითურთ.
- 1.2. შემსყიდველი - ორგანიზაცია, რომელიც ახორციელებს შესყიდვას.
- 1.3. მიმწოდებელი - სადაზღვევო კომპანია, რომელიც ახორციელებს მომსახურების მიწოდებას ამ ხელშეკრულების ფარგლებში.
- 1.4. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.
- 1.5. დღე, კვირა, თვე - კალენდარული დღე, კვირა, თვე.
- 1.6. ფორსმაჟორი - მოცემულ შემთხვევაში აუცილებელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ, მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.
- 1.7. მომსახურება - ხელშეკრულების მე-2 მუხლით გათვალისწინებული ხელშეკრულების საგანი.
- 1.8. ინსპექტირება - ხელშეკრულების პირობების შესრულების კონტროლი.
- 1.9. მომსახურების აღწერა - წინამდებარე ხელშეკრულების დანართი N1, რომელიც წარმოადგენს მის განუყოფელ ნაწილს.
- 1.10. დაზღვევის პირობები - მიმწოდებლის მიერ წარდგენილი სატენდერო შემოთავაზება დანართი N6 (დაზღვევის პირობები), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.
- 1.11. მოსარგებლე - პირი, რომელიც წინამდებარე ხელშეკრულებისა და საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება.
- 1.12. სადაზღვევო პოლისი - დაზღვევის დამადასტურებელი საბუთი, რომელიც შემსყიდველს აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება.
- 1.13. დაზღვევის პერიოდი - წინამდებარე ხელშეკრულებაში/პოლისში მითითებული დროის მონაკვეთი, რომლის განმავლობაშიც ძალაშია დაზღვევა.
- 1.14. სადაზღვევო თანხა - წინამდებარე ხელშეკრულებასა და პოლისში მითითებული ანაზღაურების მაქსიმალური ლიმიტი, რომლის ფარგლებშიც მიმწოდებელი კისრულობს ვალდებულებას გასცეს სადაზღვევო ანაზღაურება ხელშეკრულების პირობების შესაბამისად.
- 1.15. „სადაზღვევო ანაზღაურება“ - თანხა, ქონება ან მომსახურება, რომელიც მიმწოდებლისგან ეკუთვნის შემსყიდველს/მოსარგებლეს სადაზღვევო შემთხვევის დადგომისას.
- 1.16. სადაზღვევო შემთხვევა - სადაზღვევო პერიოდში ფაქტობრივად დამდგარი შემთხვევა, როდესაც წინამდებარე ხელშეკრულება ითვალისწინებს მიმწოდებლის მიერ სადაზღვევო ანაზღაურების გადახდას.

მუხლი 2. ხელშეკრულების საგანი

- 2.1. ხელშეკრულების საგანია სსიპ - განათლების ხარისხის განვითარების ეროვნული ცენტრის 2016 წლის სახელმწიფო ბიუჯეტის ასიგნებებიდან, შემსყიდველის ბალანსზე რიცხული 5 (ხუთი) ერთეული ავტოტრანსპორტის დაზღვევის (CPV - 66514110, სატენდერო განცხადების ნომერი SPA150034954) შესყიდვა ამ ხელშეკრულებით გათვალისწინებული ანაზღაურების სანაცვლოდ.

მიმწოდებლის წარმომადგენლის ხელმოწერა

შემსყიდველის წარმომადგენლის ხელმოწერა

2.2. ხელშეკრულებით გათვალისწინებული საგნის აღწერა და პირობები მოცემულია დანართი №1-ში, რომელიც წარმოადგენს ხელშეკრულების განუყოფელ ნაწილს.

2.3. დაზღვევის პირობები წარდგენილია მიმწოდებლის სატენდერო შემოთავაზებაში - დანართი №6, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

2.4. წინამდებარე ხელშეკრულებითა და მისი დანართი №1-ით განსაზღვრულ დებულებებსა და მიმწოდებლის მიერ დანართი №6-ით წარმოდგენილ დაზღვევის პირობების დებულებებს შორის შესაბამისობის აღმოჩენის შემთხვევაში, უპირატესობა ენიჭება ხელშეკრულებითა და მისი დანართი №1-ით განსაზღვრულ დებულებებს.

მუხლი 3. ხელშეკრულების საგნის ღირებულება

3.1. ხელშეკრულების საგნის საერთო ღირებულება შეადგენს 3535.92 (სამი ათას ხუთას ოცდათხუთმეტი ლარი და 92 თეთრი) ლარს.

3.2. მომსახურების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. მიღება-ჩაბარება და ანგარიშსწორება

4.1. მომსახურების მიღება დასტურდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტით. შემსყიდველის მხრიდან მიღება-ჩაბარების აქტის ხელმოწერაზე უფლებამოსილია წინამდებარე ხელშეკრულების 7.1. პუნქტში მითითებული პირი.

4.2. მიღება-ჩაბარების აქტის ხელმოწერასთან ერთად, მიმწოდებელი ვალდებულია, წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია (ინვოისი).

4.3. მიმწოდებელთან ანგარიშსწორება ხდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე.

4.4. ანგარიშსწორება მოხდება ეტაპობრივად, ყოველი თვის ბოლოს შესაბამის თვეში გაწეული მომსახურების მიღება-ჩაბარების აქტის გაფორმებიდან არაუგვიანეს 15 (თხუთმეტი) სამუშაო დღის განმავლობაში.

მუხლი 5. მომსახურების გაწევის ადგილი და ვადა

5.1. მომსახურების გაწევა უნდა განხორციელდეს საქართველოს მასშტაბით.

5.2. მიმწოდებელი მომსახურების გაწევას უზრუნველყოფს ხელშეკრულების მოქმედების მთელს პერიოდში, ყოველდღიურად (დასვენებისა და უქმე დღეების ჩათვლით), 24 საათის განმავლობაში, დაზღვევის მოქმედება დაიწყება 2016 წლის 12 იანვრის 24 საათიდან და დასრულდება 2016 წლის 31 დეკემბრის 24 საათზე.

მუხლი 6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

ბ) გამოითხოვოს მიმწოდებლისაგან ხელშეკრულების პირობების შესრულებასთან დაკავშირებული დოკუმენტები.

6.2. მიმწოდებელი უფლებამოსილია მოსთხოვოს შემსყიდველს გაწეული მომსახურების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი ვალდებულია:

ა) ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული ვალდებულებები.

ბ) არ გადასცეს მესამე პირებს შესყიდვის ობიექტთან დაკავშირებული ინფორმაცია/დოკუმენტები (ან მათი ნაწილი) და არ გამოიყენოს ისინი კომერციული ან სხვა მიზნებისათვის;

გ) შემსყიდველის შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი ხარჯის გაწევის გარეშე.

მიმწოდებლის წარმომადგენლის ხელმოწერა

შემსყიდველის წარმომადგენლის ხელმოწერა

მუხლი 7. ხელშეკრულების შესრულების კონტროლის პირობები

7.1. ხელშეკრულებით ნაკისრი ვალდებულებების შესრულების კონტროლს განახორციელებს სსიპ - განათლების ხარისხის განვითარების ეროვნული ცენტრის მატერიალური რესურსების სამმართველოს უფროსი, ხოლო მისი არყოფნის შემთხვევაში, ამავე სამმართველოს სპეციალისტი.

7.2. კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის შემოწმებას.

7.3. მიმწოდებელი ვალდებულია, უზრუნველყოს ხელშეკრულების პირობების შესრულების კონტროლის ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. კონტროლის მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4. ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

მუხლი 8. პირგასამტეხლო

8.1. ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 1%-ის ოდენობით, ხოლო ვალდებულების ნაწილის შეუსრულებლობის შემთხვევაში - ვალდებულების შეუსრულებელი ნაწილის 1%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ნაწილის 0.5%-ის ოდენობით.

8.2. იმ შემთხვევაში, თუ დაკისრებული პირგასამტეხლოს საერთო ოდენობა გადააჭარბებს ხელშეკრულების საერთო ღირებულების 10 (ათი) პროცენტს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

მუხლი 9. ფორსმაჟორი

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორსმაჟორით.

9.2. თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება ფორსმაჟორის მოქმედების დასრულებისთანავე.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისთვის.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.4. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5. ხელშეკრულება შეიძლება შეწყდეს:

ა) მხარეთა ინიციატივით, ურთიერთშეთანხმების საფუძველზე;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

მიმწოდებლის წარმომადგენლის ხელმოწერა

შემსყიდველის წარმომადგენლის ხელმოწერა

- გ) თუ მიმწოდებლის მიმართ დაიწება გაკოტრების საქმის წარმოება;
დ) საქართველოს კანონმდებლობით გათვალისწინებულ სხვა შემთხვევებში.

მუხლი 11. დავები, მათი გადაწყვეტის წესი და გამოსაყენებელი სამართალი

11.1. ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს საერთო სასამართლოს საქართველოს მოქმედი კანონმდებლობის შესაბამისად.

11.2. ხელშეკრულება დადებულია საქართველოს კანონმდებლობის შესაბამისად და მისი დებულებები განიმარტება საქართველოს კანონმდებლობის მიხედვით.

მუხლი 12. შეტყობინება

12.1. ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით, ორიგინალის შემდგომი წარმოდგენით.

12.2. შეტყობინება ძალაში შედის ადრესატის მიერ მისი მიღების დღეს.

მუხლი 13. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

მუხლი 14. ხელშეკრულების ენა

ხელშეკრულება შედგენილია ქართულ ენაზე ორ ეგზემპლარად. ერთი ეგზემპლარი ინახება მიმწოდებელთან, ერთი - შემსყიდველთან.

მუხლი 15. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2017 წლის 31 იანვარის ჩათვლით.

მუხლი 16. სხვა პირობები

16.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2 მესამე პირთან ურთიერთობაში მხარეები მოქმედებენ თავიანთი სახელით, თანხებით და რისკით.

16.3 მიმწოდებლის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

მხარეთა რეკვიზიტები:

მიმწოდებელი:

ს.ს. „დაზღვევის კომპანია ქართუ“

მისამართი: ქ. თბილისი, ი. ჭავჭავაძის გამზ. N39ა

ტელ: (+995 32) 2 23 03 03

საიდენტიფიკაციო კოდი: 204970031

ბანკი: სს „ბანკი ქართუ“

ბანკის კოდი: CRTUGE22

ა/ა: GE45CR000000000533602

შემსყიდველი:

სსიპ - განათლების ხარისხის განვითარების ეროვნული ცენტრი

მისამართი: ქ. თბილისი, 0193, მ. ალექსიძის ქ. №1

ტელეფონი: (+995 32) 2 200220 (3515)

საიდენტიფიკაციო კოდი: №202330566

ბანკი: სახელმწიფო ხაზინა

საბანკო კოდი: TRESGE22

ა/ა: № GE24NB0330100200165022

მიმწოდებლის წარმომადგენლის ხელმოწერა

შემსყიდველის წარმომადგენლის ხელმოწერა

მომსახურების აღწერა

შესყიდვის ობიექტს წარმოადგენს, შემსყიდველის ბალანსზე რიცხული შემდეგი ავტოსატრანსპორტო საშუალებების დაზღვევა:

N°	ავტომანქანის მარკა	სახელმწიფო ნომერი	გამოშვების წელი	საბალანსო ღირებულება	დაზღვევის სახე	1 თვის სადაზღვევო პრემია 1 ავტომობილზე (ლარი)	სადაზღვევო პრემიის ოდენობა 2016 წლის 31 დეკემბრის ჩათვლით
1	HYUNDAI SANTAFE 3.5	FCF-838	2011	30636	სრული	78.28	939.36
2	HYUNDAI SONATA	CJC-428	2011	25727.60	სრული	67.67	812.04
3	HYUNDAI ELANTRA	CJC- 425	2011	17472.44	სრული	49.69	596.28
4	HYUNDAI ELANTRA	KGK-272	2011	17388	სრული	49.51	594.12
5	HYUNDAI ELANTRA	FCF-841	2011	17388	სრული	49.51	594.12
სულ ჯამში				108612.04	-	294.66	3535.92

შენიშვნა: იანვრის თვის სადაზღვევო პრემია გამოითვლება ერთი თვის პრემიის პროპორციულად დაზღვევით ნასარგებლები დღეების მიხედვით

დაზღვევის პირობები:

- სსიპ - განათლების ხარისხის ეროვნული ცენტრის ბალანსზე რიცხული 5 (ხუთი) ერთეული ავტომანქანის სრული დაზღვევა, რომელიც მოიცავს შემდეგ რისკებს:
- ავტომობილის გატაცება (ქურდობა, ძარცვა, ყაჩაღობა);
- ავტომობილის დაზიანება ან განადგურება, რაც გამოწვეულია ავტოსაგზაო შემთხვევით (მათ შორის უფლებამოსილი მძღოლის მიერ სიჩქარის გადაჭარბების შემთხვევაში და სავალი ნაწილიდან საპირისპირო მიმართულებით გადასვლის შემთხვევაში), ხანძრით, თვითაღვლელით, მეხის დაცემით ან/და აფეთქებით, მესამე პირის მართლსაწინააღმდეგო ქმედებით, ვანდალიზმით, რაიმე საგნის დაცემით, სტიქიური უბედურებებით (მათ შორის მიწისძვრა და სეტყვა) ან უბედური შემთხვევით;
- დამატებითი აღჭურვილობის, მინების, სარკეების და ა.შ. ქურდობა/გატაცება;
- ავტოსატრანსპორტის ევაკუაციასთან დაკავშირებული ხარჯები;
- მესამე პირთა წინაშე პასუხისმგებლობის დაზღვევა 15 000 (თხუთმეტი ათასი) ლარის ლიმიტით თითოეულ სატრანსპორტო საშუალებაზე. აღნიშნული დაზღვევით უნდა იფარებოდეს შემსყიდველის პასუხისმგებლობა, ანაზღაუროს მესამე პირის სიცოცხლის, ჯანმრთელობის ან/და ქონებისათვის სატრანსპორტო საშუალებით მიყენებული ზიანი;
- უფლებამოსილი მძღოლებისა და მისი მგზავრების დაზღვევა უბედური შემთხვევისგან 50 000 (ორმოცდაათი ათასი) ლარი თითოეულ სატრანსპორტო საშუალებაზე, ქველიმიტი პიროვნებაზე – 10 000 (ათი ათასი) ლარი.
- ყველა შემთხვევაზე სადაზღვევო ფრანშიზა - 0%;
- მიმწოდებლის მიერ ზარალის ანაზღაურება უნდა მოხდეს, მზღვეველის მიერ მოთხოვნილი დოკუმენტაციის სრულად წარდგენიდან არაუმეტეს 10 (ათი) სამუშაო დღის ვადაში, ხოლო ავტომანქანის გატაცების (ქურდობა, ძარცვა, ყაჩაღობა) შემთხვევაში არაუმეტეს 30 (ოცდაათი) კალენდარული დღის ვადაში.
- შემსყიდველის მხრიდან უფლებამოსილი მძღოლია სსიპ - განათლების ხარისხის განვითარების ეროვნული ცენტრის ნებისმიერი თანამშრომელი, რომელსაც გააჩნია მოქმედი მართვის მოწმობა.

შენიშვნა:

- ავტოსატრანსპორტი სრულად დაზიანებულად (განადგურებულად) ჩაითვლება, თუ შეკეთების ღირებულება მისი საბაზრო ღირებულების 70%-ს ან მეტს შეადგენს ან განადგურებულია ავტომანქანის 70% ან მეტი.
- ავტოსატრანსპორტო საშუალებების გასხვისების შემთხვევაში შესაძლებელი უნდა იყოს შესაბამისი თანხით სადაზღვევო პრემიის შემცირება. ასეთ შემთხვევაში (სატრანსპორტო საშუალებების გასხვისება) სსიპ - განათლების ხარისხის განვითარების ეროვნული ცენტრი მიმწოდებელს წერილობით შეატყობინებს გასხვისებიდან არაუგვიანეს 5 სამუშაო დღისა. დაზღვეული სატრანსპორტო საშუალებების სიიდან ამოღება და შესაბამისი თანხით თვის ჯამური სადაზღვევო პრემიის შემცირება უნდა მოხდეს მომდევნო საანგარიშო თვიდან.

მიმწოდებლის წარმომადგენლის ხელმოწერა

შემსყიდველის წარმომადგენლის ხელმოწერა



დაზღვევის პირობები

ნაწილი 1. ავტომანქანის ფიზიკური დაზიანება ან გატაცება (ავტოკასკო)

1.1. ავტომანქანის ფიზიკური დაზიანება

- 1.1.1. ამ დაზღვევით დაიფარება დაზღვეული ავტომანქანის ფიზიკური დაზიანება გამოწვეული ხელშეკრულებაში/სადაზღვევო პოლისში მითითებული რისკებით.
- 1.1.2. სადაზღვევო ანაზღაურების თანხას მიმწოდებელი უხდის შემსყიდველს, ან მის მიერ მითითებულ პირს, თუ ხელშეკრულებაში/სატენდერო დოკუმენტაციაში სხვა რამ მითითებული არ არის.
- 1.1.3. ფიზიკური დაზიანების შემთხვევაში, ზიანის თანხა განისაზღვრება შემთხვევის დადგომის დროს დაზიანებული ავტომანქანის აღდგენითი (შენაცვლებითი) ღირებულების ოდენობით.
- 1.1.4. სრული ზარალის შემთხვევაში, ზიანის თანხა განისაზღვრება სადაზღვევო შემთხვევისას ავტომანქანის საბაზრო ღირებულებით, გამოკლებული ამ ავტომანქანის მიხედვით სადაზღვევო პრემიის დავალიანების (ასეთის არსებობის შემთხვევაში), თუ ხელშეკრულებაში/სატენდერო დოკუმენტაციაში სხვა რამ არ არის მითითებული, მაგრამ არაუმეტეს სადაზღვევო თანხისა, რომელიც მითითებულია სადაზღვევო პოლისში.
- 1.1.5. დაზღვეული ავტომანქანის სადაზღვევო თანხა მცირდება ამ ავტომანქანის მიხედვით უკვე გადახდილი სადაზღვევო ანაზღაურების თანხის ოდენობით.

1.2. ავტომანქანის გატაცება, ქურდობა, ძარცვა ან ყაჩაღობა.

- 1.2.1. ამ დაზღვევით დაიფარება ხელშეკრულებაში/სადაზღვევო პოლისში მითითებულ ტერიტორიულ არეალში და სადაზღვევო პერიოდში დაზღვეული ავტომანქანის გატაცება, ქურდობა, ძარცვა ან ყაჩაღობა.
- 1.2.2. დაზღვეული ავტომანქანის გატაცების, ქურდობის, ძარცვის ან ყაჩაღობის შემთხვევაში, მიმწოდებელი, ხელშეკრულებით გათვალისწინებული წესითა და ოდენობით გადაუხდის სადაზღვევო თანხას შემსყიდველს, თუ ხელშეკრულებაში/სატენდერო დოკუმენტაციაში სხვა რამ არ არის მითითებული.
- 1.2.3. დაზღვეული ავტომანქანის გატაცების, ქურდობის, ძარცვის ან ყაჩაღობის შემთხვევაში, ზიანის თანხა განისაზღვრება ავტომანქანის სადაზღვევო ღირებულებას გამოკლებული ამ ავტომანქანის მიხედვით სადაზღვევო პრემიის დავალიანება/წლიური პრემიის დარჩენილი ნაწილი (ასეთის არსებობის შემთხვევაში), თუ ხელშეკრულებაში/სატენდერო დოკუმენტაციაში სხვა რამ არ არის მითითებული, მაგრამ არაუმეტეს სადაზღვევო თანხისა, რომელიც მითითებულია სადაზღვევო პოლისში.

- (1) შენიშვნა: ავტომანქანის დაზიანების შემთხვევაში, შემსყიდველი, მიმწოდებელის წინასწარი თანხმობის გარეშე არ უნდა დაიწყოს ავტომანქანის შეკეთება/აღდგენა.

მიმწოდებელი უფლებამოსილია:

- თავად დაათვალიეროს დაზიანებული ავტომანქანა;
- დაზიანებული ავტომანქანის დათვალიერების მიზნით მოიწვიოს დამოუკიდებელი ექსპერტი/სპეციალისტი;

- ზიანის გამომწვევი მიზეზებისა და ოდენობის დასადგენად, შემსყიდველისაგან მოითხოვოს დამატებითი დოკუმენტაცია/ინფორმაცია. ხოლო შემსყიდველი ვალდებულია მიაწოდოს ეს დოკუმენტაცია/ინფორმაცია მიმწოდებელს.

1.3. დაზღვეული ავტომანქანის დაზიანებისას ან გატაცება/ქურდობა/ ძარცვა ან ყაჩაღობისას :

- ✓ შემსყიდველი ვალდებულია უზრუნველყოს მიმწოდებლის საინფორმაციო სამსახურის ცხელ ხაზზე (992 32) 223 03 03 დაკავშირება და საპატრულო პოლიციის (112) დაუყოვნებლივ გამოძახება.
- ✓ არაუმეტეს შემთხვევის დადგომიდან 3 (სამი) სამუშაო დღის განმავლობაში წარუდგინოს მიმწოდებელს განაცხადი მომხდარი შემთხვევის შესახებ და შემდეგი დოკუმენტები:

- 1.3.1. ავტომანქანის სარეგისტრაციო მოწმობა;
- 1.3.2. შემთხვევის დროს საჭესთან მჯდომი პირის მართვის და პირადობის მოწმობა;
- 1.3.3. შემთხვევის დადგომასთან დაკავშირებით დამადასტურებელი დოკუმენტები კომპეტენტური ორგანოებიდან.

შემსყიდველის მიერ (1) **შენიშვნაში** და **1.3. პუნქტში** მითითებული ნებისმიერი ვალდებულების შეუსრულებლობის ან/და ნებისმიერი დოკუმენტის, ინფორმაციის ან ნივთის წარმოდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.

- 1.4. დაზღვეული ავტოტრანსპორტი ჩაითვლება განადგურებულად (Total Loss) მაშინ, როცა ავტომანქანა გატაცებულია და მისი ზოგნა ვერ მოხერხდება.
- 1.5. სრული ზარალის შემთხვევაში, მიმწოდებელი, ყველა საჭირო დოკუმენტების/ნივთის წარმოდგენის შემდეგ, გასცემს სადაზღვევო ანაზღაურებას ხელშეკრულებით გათვალისწინებული წესითა და ვადებში.
- 1.6. სრული/ნაწილობრივი ზარალის შემთხვევაში, მიმწოდებელის მიერ სადაზღვევო ანაზღაურების გადახდის შემდგომ(თუ ხელშეკრულებაში/სატენდერო დოკუმენტაციაში სხვა წესი მითითებული არ არის), შემსყიდველი ვალდებულია გადასცეს დაზიანებული ავტომანქანა (იმ შემთხვევაშიც, თუ მოხდა გატაცებული ავტომანქანის პოვნა)/შეცვლილი ნაწილები მიმწოდებელს საკუთრების უფლებით.
- 1.7. სრული ზარალის ანაზღაურების შემთხვევაში, სადაზღვევო ანაზღაურების გადახდის შემდეგ ამ ავტომანქანის მიხედვით ხელშეკრულება წყდება, ხოლო სადაზღვევო პოლისი უქმდება.

ნაწილი 2. ავტომანქანის მფლობელის მესამე პირის წინაშე სამოქალაქო პასუხისმგებლობის დაზღვევა

- 2.1. სადაზღვევო შემთხვევას წარმოადგენს დაზღვეული ავტომანქანის მფლობელის სამოქალაქო პასუხისმგებლობა აანაზღაუროს დაზღვეული ავტომანქანის საავტომობილო გზაზე მოძრაობისას მესამე პირის სიცოცხლის, ჯანმრთელობის ან/და ქონებისათვის მიყენებული ზიანი, ხელშეკრულებაში/სადაზღვევო პოლისით მითითებული ლიმიტის ფარგლებში. შემსყიდველის პასუხისმგებლობა მესამე პირისათვის მიყენებული ზიანისათვის დგება მხოლოდ მომხდარი მოვლენისა (საგზაო-სატრანსპორტო შემთხვევის) და მესამე პირისათვის მიყენებულ ზიანს შორის მიზეზ-შედეგობრივი კავშირის არსებობისას.
- 2.2. ამ დაზღვევით იფარება შემსყიდველის პასუხისმგებლობა აანაზღაუროს დაზღვეული ავტომანქანით მიყენებული ზიანი იმ ოდენობით, რომელიც განისაზღვრება საქართველოს კანონმდებლობით, ხელშეკრულებით/სადაზღვევო პოლისით გათვალისწინებული ლიმიტის ფარგლებში, თუ ამ დროს ადგილი აქვს:
 - ა) მესამე პირის გარდაცვალებას ან ჯანმრთელობის დაზიანებას;
 - ბ) მესამე პირის ქონების დაზიანებას.

- 2.3. სადაზღვევო თანხის (ლიმიტი) ფარგლებში მიმწოდებელი გადაიხდის დაზარალებულისათვის გადაუდებელი სამედიცინო დახმარების ხარჯს შესაბამისი ფონანსური და სამედიცინო დოკუმენტების დედნების წარდგენის საფუძველზე.
- 2.4. შემსყიდველი ვალდებულია განახორციელოს ხელშეკრულებით გათვალისწინებული მოქმედება შემთხვევის დადგომის შემთხვევაში და ასევე, უზრუნველყოს მესამე პირის ქონების და/ან სიცოცხლისათვის/ჯანმრთელობისათვის ზიანის მიყენებთან დაკავშირებული ყველა სახის ინფორმაციის და დოკუმენტაციის წარდგენა მიმწოდებლისათვის. აუცილებლობის შემთხვევაში, მიმწოდებელი უფლებამოსილია შემსყიდველისაგან/დაზარალებულისაგან მოითხოვოს დამატებითი ინფორმაცია/დოკუმენტაცია. ხოლო შემსყიდველი/დაზარალებული ვალდებულია მიაწოდოს მიმწოდებელს ეს ინფორმაცია/დოკუმენტაცია.
- 2.5. შემსყიდველის/დაზარალებულის მიერ მე-2 ნაწილში მითითებული ნებისმიერი ვალდებულების შეუსრულებლობის ან/და ნებისმიერი დოკუმენტაციის/ინფორმაციის წარმოდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.
- 2.6. მესამე პირად არ მოიაზრება დაზღვეულ ავტომანქანაში მყოფი მძღოლი და მგზავრ(ებ)ი. მიმწოდებლის თანამშრომლები.
- 2.7. მესამე პირის მოთხოვნისაგან დაცვისათვის გაწული სასამართლო/სასამართლოს გარეშე ხარჯები მიმწოდებლის მიერ ანაზღაურდება მხოლოდ მასთან წინასწარი შეთანხმების შემთხვევაში და მხოლოდ სადაზღვევო ლიმიტის ფარგლებში.
- 2.8. თუ სადაზღვევო შემთხვევის შედეგად რამდენიმე მესამე პირი დაზარალდა, სადაზღვევო ანაზღაურება თითოეულს ცალ-ცალკე მიეცემა მიყენებული ზიანის გათვალისწინებით. მიმწოდებლის პასუხისმგებლობის მაქსიმალური ლიმიტის ფარგლებში, თითოეულის დაზიანების ხარისხის პროპორციულად.
- 2.9. ქონების დაზიანების შემთხვევაში - ზიანის ოდენობა ანგარიშდება მიმწოდებლის შესაბამისი ექსპერტის/სპეციალისტის მიერ შედგენილი კალკულაციის/ხარჯთაღრიცხვის საფუძველზე მიმწოდებლის პასუხისმგებლობის ლიმიტის ფარგლებში.
- ქონების დაზიანებისას, ანაზღაურდება:
- თუ ქონება მთლიანად განადგურდა - ქონების საბაზრო ღირებულება გამოკლებული ნარჩენების ღირებულება;
 - თუ ქონება არ არის განადგურებული, ანაზღაურდება სარემონტო აღდგენითი ხარჯები, რაც საჭიროა დაზიანებული ქონების ხარალამდე არსებულ მდგომარეობამდე მისაყვანად.

ნაწილი 3. მძღოლისა და მგზავრების უბედური შემთხვევისაგან დაზღვევა

- 3.1. მძღოლისა და მგზავრების საგზაო - საგზაო-სატრანსპორტო შემთხვევისაგან დაზღვევის ობიექტს წარმოადგენს დაზღვეულ ავტომანქანაში მყოფი მძღოლის ან/და მგზავრების სიცოცხლე და ჯანმრთელობა.
- 3.2. სადაზღვევო შემთხვევად განიხილება დაზღვეულ ავტომანქანაში მყოფი მძღოლი და/ან მგზავრის/მგზავრების გარდაცვალება ან ჯანმრთელობის დაზიანება საგზაო-სატრანსპორტო შემთხვევის შედეგად.
- 3.3. სადაზღვევო ლიმიტები განსაზღვრულია ხელშეკრულებით/სადაზღვევო პოლისით.
- 3.4. სადაზღვევო შემთხვევის დადგომისას მიმწოდებელი იხდის ანაზღაურებას ქვემოთ მითითებული ცხრილის მიხედვით.

სადაზღვევო რისკი	ანაზღაურების თანხა (% ყოველ დაზღვეულზე გათვალისწინებული სადაზღვევო ლიმიტიდან)
გარდაცვალება	100 %
მკვეთრად გამოხატული ქმედობაუნარიანობის შეზღუდვა	100 %
მნიშვნელოვნად გამოხატული ქმედობაუნარიანობის შეზღუდვა	75 %

ზომიერად გამოხატული ქმედობაუნარიანობის შეზღუდვა	50%
გადაუდებელი სტაციონარული და ამბულატორული მკურნალობა დაკავშირებული სადაზღვევო შემთხვევასთან	25%

- 3.5. შემთხვევის დადგომისას შემსყიდველი ვალდებულია განახორციელოს ხელშეკრულებით გათვალისწინებული ვალდებულებები, მათ შორის წარუდგინოს მიმწოდებელს შემდეგი დოკუმენტები:
- 3.5.1. მძღოლის მართვის და პირადობის მოწმობების/პასპორტის და მგზავრების (ასეთების არსებობის შემთხვევაში) პირადობის დამადასტურებელი საბუთების ასლები;
 - 3.5.2. ცნობა/სხვა სახის დოკუმენტი საპატრულო პოლიციიდან/საგამოძიებო ორგანოდან მომხდარი შემთხვევის დადგომის შესახებ;
 - 3.5.3. ჯანმრთელობისათვის მიყენებულ ზიანთან დაკავშირებული დოკუმენტები სამედიცინო დაწესებულებიდან - სამედიცინო ჩანაწერები (ფორმა N100), გაწეული მომსახურების დამადასტურებელი დოკუმენტების და მომსახურების საფასურის გადახდის დამადასტურებელი დოკუმენტების დედნები.
 - 3.5.4. სპეციალისტთა კონსულტაციების, ლაბორატორიული-ინსტრუმენტული კვლევების პასუხები/დასკვნები;
 - 3.5.5. ქმედობაუნარიანობის შეზღუდვის შემთხვევაში - შესაბამისი დაწესებულებიდან (სამედიცინო-სოციალური ექსპერტიზა) ოფიციალური დასკვნა, ქმედობაუნარიანობის შეზღუდვის ხარისხის მინიჭების თაობაზე;
 - 3.5.6. გარდაცვალების შემთხვევაში - გარდაცვალების მოწმობა, სამედიცინო ცნობა გარდაცვალების შესახებ გარდაცვალებს მიზეზების მითითებით, სიკვდილის შესახებ სასამართლო-სამედიცინო ექსპერტიზის დასკვნა.

(2) **შენიშვნა:** სადაზღვევო ანაზღაურება გაიცემა გარდაცვლილის მემკვიდრეზე საქართველოს კანონმდებლობით გათვალისწინებული მემკვიდრეობის დამადასტურებელი დოკუმენტის (სამემკვიდრო მოწმობა) და მემკვიდრის პირადობის დამადასტურებელი დოკუმენტის საფუძველზე (პ/მ ან პასპორტი).

- 3.6. მე-3 ნაწილში მითითებული ნებისმიერი ვალდებულების შეუსრულებლობის ან/და ნებისმიერი დოკუმენტის წარმოუდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.

ნაწილი 4. საერთო გამონაკლისები

- ✓ მე-4 ნაწილში გათვალისწინებული გამონაკლისები (გარემოებები, რომელთა არსებობის შემთხვევაში სადაზღვევო ანაზღაურება არ იქნება გადახდილი) ეხება მთელ ხელშეკრულებას. წინამდებარე პირობებით არცერთ შემთხვევაში არ ანაზღაურდება დანაკარგი, დაზიანება ან პასუხისმგებლობა, თუ:
 - 4.1. დაზღვეულ ავტომანქანას მართავდა პირი, რომელიც იმყოფებოდა ალკოჰოლური, ნარკოტიკული ან ფსიქოტროპული ნივთიერების ზემოქმედების ქვეშ; მძღოლმა უარი განაცხადა მისი მდგომარეობის დასადგენად შესაბამისი სინჯების ჩაბარებაზე ან/და მიმწოდებელთან არ იქნა წარდგენილი ალკოჰოლური ან ნარკოტიკული ან ფსიქოტროპული თრობის/ზემოქმედების ფაქტის დადგენის სამედიცინო შემოწმების ოქმი ან ალკოტესტით შემოწმების დამადასტურებელი დოკუმენტი;
 - 4.2. მძღოლი მართავს ავტომანქანას მართვის უფლების გარეშე (მათ შორის მართვის უფლების დროებითი შეზღუდვის/ჩამორთმევის პერიოდში);
 - 4.3. დაზღვეული ავტომანქანა არ გამოიყენება სამსახურობრივი დანიშნულებით;
 - 4.4. დაზღვეული ავტომანქანა გამოიყენება სისწრაფეში შეჯიბრში და სამაშველო სამსახურში;
 - 4.5. დაზღვეული ავტომანქანა გამოიყენება სადაზღვევო პოლისში მითითებული მოქმედების არეალის გარეთ;

- 4.6. დაზღვეულ ავტომანქანაში მგზავრთა რაოდენობა აღემატება დასაშვებს; დაზღვეული ავტომანქანა გადატვირთულია;
- 4.7. საგზაო-სატრანსპორტო შემთხვევის დროს დაზღვეულ ავტომანქანას მართავდა არაუფლებამოსილი მძღოლი;
- 4.8. დაზღვეულ ავტომანქანის ნებისმიერი სახით გამოცდა (off road, test drive);
- 4.9. დაზღვეული ავტომანქანის გაუფასურება ბუნებრივი მიზეზებით, საბაზრო ფასის ცვლილება.
- 4.10. ცვეთა, მექანიკური, პროგრამული ან ელექტრობის გაუმართაობა;
- 4.11. დაზღვეულ ავტომანქანაში არსებული ნივთების, მათ შორის არაქარხნულად დამონტაჟებული აუდიო, ტელე და რადიო აპარატურის, კასეტების, კომპაქტ დისკების, მეხსიერების მატარებლების, ტელეფონების, ფულის, დოკუმენტების და ა.შ. დაკარგვა;
- 4.12. ნებისმიერი სხვა ხარჯები, რომლებიც არ უკავშირდება ავტომანქანის ფიზიკურ დაზიანებას (ადმინისტრაციული ჯარიმა, მივლინების ხარჯები, მიუღებელი შემოსავლები, მორალური ზიანი და ა.შ.);
- 4.13. დანაკარგი, დაზიანება რომელიც გამოწვეულია ომით, დაპყრობით, საომარი მოქმედებებით იმის მიუხედავად იყო თუ არა ომი გამოცხადებული, სამოქალაქო ომი, აჯანყება, რევოლუცია, სახელმწიფო გადატრიალება და საზოგადოებრივი არეულობები;
- 4.14. თვითმფრინავით და სხვა მფრინავი ობიექტებით გამოწვეული ჰაერის ტალღებით.
- 4.15. თვითმკვლელობით, თვითმკვლელობის მცდელობით და საკუთარი ჯანმრთელობისათვის ზიანის მიყენებით;
- 4.16. თუ შემთხვევა დაკავშირებული მძღოლის ფსიქიკურ ან მძიმე ნერვულ აშლილობასთან, ან ეპილეფსიურ შეტევასთან, თუ შესაბამისი დიაგნოზი დადგენილია სამედიცინო დაწესებულების მიერ უფლებამოსილი მძღოლისათვის წინამდებარე ხელშეკრულების დადებამდე.
- 4.17. საქართველოს კანონმდებლობით გათვალისწინებული სხვა შემთხვევები.

(3) შენიშვნა: შემთხვევასთან დაკავშირებით სისხლის სამართლის საქმის აღძვრის შემთხვევაში, მიმწოდებელი უფლებამოსილია გადადოს სადაზღვევო ანაზღაურების გაცემა საგამოძიებო ორგანოს მიერ სისხლის სამართლის საქმის შეწყვეტის თაობაზე დადგენილების გამოტანამდე ან სასამართლოს გადაწყვეტილების კანონიერ ძალაში შესვლამდე.

ინფორმაცია ზიანის ანაზღაურების პირობების შესახებ

საგზაო-სატრანსპორტო შემთხვევისა ან/და დაზღვეული ავტომანქანის გატაცების/ ქურდობის / ძარცვის / ყაჩაღობის ან/და სხვა შემთხვევაში:

1. შემსყიდველი (მძღოლი/წარმომადგენელი) დაუყოვნებლივ უნდა დაუკავშირდეს მიმწოდებლის საინფორმაციო სამსახურის ცხელ ხაზზე (995 32) 223 03 03, შეტყობინების დასაბუთებლად და შესაბამისი ინსტრუქციების მისაღებად;
2. ამავე დროს დაუკავშირდეს საპატრულო პოლიციის სამსახურს (112). გაიაროს ავტომანქანის მძღოლის ალკოჰოლური/ნარკოტიკული თრობის ფაქტის დადგენის ალკოტესტით შემოწმება ან/და სამედიცინო შემოწმება.
3. არაუმეტეს - შემთხვევის დადგომიდან 3 (სამი) სამუშაო დღის განმავლობაში წარუდგინოს მიმწოდებელს: განაცხადი მომხდარი შემთხვევის შესახებ ასევე:
 - 3.1. საგზაო-სატრანსპორტო შემთხვევის დროს: დაზღვეული ავტომანქანის მძღოლის ალკოჰოლური/ნარკოტიკული თრობის ფაქტის დადგენის დამადასტურებელი დოკუმენტი, სადაზღვევო პოლისი. შემთხვევის დროს საქესთან მჯდომი პირის მართვისა, უფლებამოსილებისა და პირადობის დამადასტურებელი მოწმობები, ადმინისტრაციული სამართალდარღვევის ოქმი (ასეთის არსებობის შემთხვევაში), ელექტრონული საჯარიმო ქვითარი, საგზაო-სატრანსპორტო შემთხვევის ოქმთან თანდართული სქემა, მძღოლ(ებ)ის ახსნა-განმარტებები,

მიმწოდებლის მოთხოვნით საგზაო - სატრანსპორტო შემთხვევასთან დაკავშირებული სხვა დოკუმენტები და ნივთმტკიცებულებები (ასეთის არსებობის შემთხვევაში); ხელი შეუწყოს მიმწოდებელს დაზარალებული მესამე პირის მხრიდან შემთხვევის დარეგულირების მიზნით საჭირო დოკუმენტაციის წარდგენა.

3.2. დაზღვეული ავტომანქანის გატაცება/ქურდობა/მარცვა/ყაჩაღობის და სხვა შემთხვევაში - შესაბამის კომპეტენტურ ორგანოებიდან შემთხვევის დამადასტურებელი დოკუმენტები, სადაზღვევო პოლისი, შემთხვევის დროს საქვსთან მჯდომი პირის მართვისა, უფლებამოსილებისა და პირადობის დამადასტურებელი მოწმობები, შემთხვევასთან დაკავშირებული სხვა დოკუმენტები და ნივთმტკიცებულებები (ასეთის არსებობის შემთხვევაში);

3.3. სხვა დოკუმენტები, რომელიც მითითებულია წინამდებარე დანართში.

4. შემსყიდველი ვალდებულია უზრუნველყოს მიმწოდებელთან შემთხვევასთან დაკავშირებული სრულყოფილი დოკუმენტაციის წარდგენა შემთხვევის დადაგომიდან ერთი თვის ვადაში, გარდა იმ შემთხვევისა, როცა შემთხვევასთან დაკავშირებით აღძრულია სისხლის სამართლის საქმე.

შემსყიდველის/დაზარალებულის მიერ ამ დანართში მითითებულ ვადაში ნებისმიერი ვალდებულების შეუსრულებლობის ან/და ნებისმიერი დოკუმენტის ან ნივთის წარმოუდგენლობის შემთხვევაში, მიმწოდებელი უფლებამოსილია უარი თქვას სადაზღვევო ანაზღაურების გაცემაზე.

სადაზღვევო ანაზღაურების გაცემის საფუძველია მიმწოდებლის მიერ შედგენილი და მხარეთა მიერ ხელმოწერილი სადაზღვევო სარჩელის აქტი. მიმწოდებელი იღებს ვალდებულებას შეადგინოს აქტი ან გასცეს მოტივირებული წერილობითი უარი სადაზღვევო ანაზღაურების გადახდაზე შემსყიდველის/დაზარალებულის მიერ ყველა აუცილებელი დოკუმენტის წარდგენიდან 10 (ათი) სამუშაო დღის ვადაში.

ავტომანქანის გატაცების (ქურდობა, მაცვა, ყაჩაღობა) შემთხვევაში არაუმეტეს 30 (ოცდაათი) კალენდარული დღის ვადაში.

სადაზღვევო ანაზღაურების გადახდა ხდება მხარეების მიერ სადაზღვევო სარჩელის აქტის ხელმოწერიდან არაუგვიანეს 10 (ათი) სამუშაო დღისა.

მიმწოდებელი აუნაზღაურებს დაზღვეული ავტომანქანის ევაკუაციის ხარჯებს შემთხვევის ადგილიდან შემსყიდველის მიერ მითითებულ ადგილამდე, მხოლოდ თუ ხელშეკრულებაში/სატენდერო დოკუმენტაციაში სხვა რამ არ არის მითითებული. ევაკუაციის ხარჯები აკლდება სადაზღვევო თანხას. გასაცემ სადაზღვევო ანაზღაურებას აკლდება ფრანშიზა /ცვეთა, თუ ხელშეკრულებაში/სატენდერო დოკუმენტაციაში სხვა რამ არ არის მითითებული.

მიმწოდებელი ვალდებულია უზრუნველყოს საგზაო სატრანსპორტო შემთხვევასთან დაკავშირებული დოკუმენტაციის კომპეტენტურ ორგანოდან გამოთხოვა, თუ ამ ვალდებულებულების შესახებ მითითებულია ხელშეკრულებაში/სატენდერო დოკუმენტაციაში.

არჩილ მამაცაშვილი
გენერალური დირექტორი

